

Na osnovu člana 16. stav 2. Zakona o Vladi Zeničko-dobojskog kantona – Prečišćeni tekst („Službene novine Zeničko-dobojskog kantona“, broj: 7/10), a u vezi sa članom 54. Zakona o izvršavanju budžeta Zeničko-dobojskog kantona za 2015. godinu („Službene novine Zeničko-dobojskog kantona“, broj: 02/15), na prijedlog Kantonalne uprave za inspekcijske poslove, Vlada Zeničko-dobojskog kantona, na 10. sjednici, održanoj dana 13.05.2015. godine, d o n o s i

O D L U K U

o uvećanju sredstava u Budžetu Zeničko-dobojskog kantona za 2015. godinu

Član 1.

(Predmet)

(1) Odobrava se uvećanje sredstava u Budžetu Zeničko-dobojskog kantona za 2015. godinu („Službene novine Zeničko-dobojskog kantona“, broj: 02/15) za budžetskog korisnika Kantonalnu upravu za inspekcijske poslove.

(2) Uvećanje sredstava u Budžetu Zeničko-dobojskog kantona za 2015. godinu, vrši se na razdjelu 26, budžetska organizacija 01, potrošačka jedinica 0001, ekonomski kod 821300, Kantonalna uprava za inspekcijske poslove – Plan izdaci iz namjenskih sredstava za 20.000 KM.

Član 2.

(Namjena korištenja sredstava i izvještavanje)

(1) Sredstva uplaćena od strane pravnih lica koja su pod nadzorom kantonalne veterinarske inspekcije, utrošit će se u skladu sa Programom utroška sredstava pod nazivom „Program nabavke opreme i materijala“ Kantonalne uprave za inspekcijske poslove za 2015. godinu, koji će biti sačinjen nakon donošenja ove Odluke.

(2) Kantonalna uprava za inspekcijske poslove dužna je pokrenuti postupak stavljanja van snage Zaključka Vlade Kantona broj: 02-14-9457/15 od 22.04.2015. godine, kojim je usvojen Program utroška sredstava pod nazivom „Program nabavke opreme i materijala“ Kantonalne uprave za inspekcijske poslove za 2015. godinu.

(3) Kantonalna uprava za inspekcijske poslove dužna je sačiniti polugodišnji izvještaj o namjenskom utrošku sredstava i isti dostaviti Vladi Kantona, radi transparentnog predočavanja utroška namjenskih sredstava.

Član 3.

(Realizacija Odluke)

Za realizaciju ove Odluke zadužuju se Kantonalna uprava za inspekcijske poslove i Ministarstvo finansija, svako u okviru svojih nadležnosti.

Član 4.

(Stupanje na snagu)

Odluka stupa na snagu danom donošenja i objavit će se u „Službenim novinama Zeničko-dobojskog kantona“.

Broj: 02-_____/15
Datum, 13.05.2015. godine
Zenica

PREMIJER

Miralem Galijašević

DOSTAVLJENO:

1x Kantonalna uprava za inspekcijske poslove,
1x Ministarstvo finansija,
1x „Službene novine Zeničko-dobojskog kantona“,
1x a/a.